

**Katersugaasiveqarneq pillugu Inatsisartut peqqussutaata
allannguuteqartinneqarnissaa pillugu Inatsisartut peqqussutissaattut
siunnersuut.**

(Naalagaaffeqatigiit Naalagaaffiit Peqatigiit Imaq pillugu inatsisinik atuutsitsineq
pillugu isumaqatigiissutaannik 10. december 1982-imeersumik
atortussangortitsinerisa kingunerisaanik)

§ 1

Katersugaasiveqarneq pillugu Inatsisartut peqqussutaat nr. 6, 30. oktober 1998-
imeersumi imatut allannguisoqarpoq:

1. § 24-p kingorna ilanngunneqassaaq:

"§ 24a. Qangarsuarnitsat nassaarineqartut, tassunga ilaallutik umiarsuit umiiarnerit,
umiarsuit userisimasaat sinnikullu umiarsuit umiiarnerinit pisut ukiut untritillit
sinnerlugit annaaneqarsimasorisatut naatsorsuuttariaqartut, immap itisoortaani
Kalaallit Nunaanni aalajangersimasumik akunnikkallarlutilluunniit najugaqartunit
Danmarkimi innuttaasunit imaluunniit Danmarkimi nalunaarsorneqarsimasutut
Kalaallit Nunaanni inissisimaffeqartumit umiarsuarmit nassaarineqartut, nunat allat
inuit ataasiakkaalluunniit piginnittuunertik uppersarsinnaanngippassuk, imm. 2
naapertorlugu Namminersornerullutik Oqartussanit pigineqartuupput.

Imm. 2. Immap itisoortaataut eqqaaneqartoq imatut paasineqassaaq tassaasoq immap
naqqa tamatumalu nunataata ataa naalagaaffiup oqartussaaffiata killeqarfiata
avataaniittusoq.

Imm. 3. Imm. 1 naapertorlugu nassaar ingerlaannartumik Nunatta Katersugaasivianut
nalunaarutigineqartassapput.

Imm. 4. Immap naqqani kulturikkut eriagisassat, Namminersornerullutik
Oqartussanit, Kalaallit Nunaanni aalajangersimasumik akunnikkallarlutilluunniit
najugaqartunit Danmarkimi innuttaasunit inatsisillu naapertorlugit inunnit Kalaallit
Nunaanni najugaqartunit pigineqartut pissusii Naalakkersuisut akuersiteqqaarnagit
allanngortinneqaqqusaanngillat, takuuk imm. 1. Immap naqqani kulturikkut
eriagisassanik allanit pigineqartunik Kalaallit Nunaanni aalajangersimasumik
akunnikkallarlutilluunniit najugaqartut Danmarkimilu innuttaasut inatsisillu
naapertorlugit inuit Kalaallit Nunaanni najugaqartut, pineqartunit
akuerineqaqqaaratik allannguisussaannngillat imaluunniit
allannguititsiniartussaannngillat.

Imm. 5. Imm. 1 naapertorlugu Namminersornerullutik Oqartussanit pigineqartunik
nasaanik qaqitsisoq nasaanillu taamaattunik tigummisaqalersoq nassaminik
ingerlaannartumik Nunatta Katersugaasivianut tunniussissaaq. Qaqitsisoq

nassaarnermini akissarsisitsinneqarnissamik piunasaqarsinnaanngilaq.

Imm. 6. Qangarsuarnitsat nassaarineqartut, tassunga ilanngullugit umiarsuit umiarnarnerit, umiarsuarnut usiusimasut ukiut untritillit inorlugit annaaneqarsimasorisat, imm. 1-imi aalajangersakkamut ilaatinneqarsinnaasut Naalakkersuisut aalajangersinnaavaat.

Imm. 7. Imm. 3-6-imi pissutsit taaneqartut pillugit Naalakkersuisut erseqqinnerusunik malittarisassanik aalajangersaasinnaapput."

2. § 25-imi, *imm. 2-mi uniffittut 2-tut* ilanngunneqarput: "1.-imi aalajangersagaq § 24a, imm. 1-imi taaneqartuni nassaanut atuutissanngilaq, aamma taamatut atuupput § 24a, imm. 6 aamma 7 naapertorlugit aalajangersakkat."

3. § 25-imi, *imm. 2-mi uniffittut 2-tut* ilanngunneqarput: "1.-imi aalajangersagaq § 24a, imm. 1-imi taaneqartuni nassaanut atuutissanngilaq, aamma taamatut atuupput § 24a, imm. 6 aamma 7 naapertorlugit aalajangersakkat."

4. § 33-mi „24"-p kingornagut ikkunneqassaaq: „24a, imm. 3-5"

5. § 33-mi imm. 2-tut ikkunneqassaaq:

Imm. 2. § 24a, imm. 3-5-mik unioqqutitsisoqartillugu, unioqqutitsisullu tassaappata piginneqatigiiffiit, peqatigiiffiit, suliffeqarfiit imminnut pigisut, aningaasaateqarfiit assigisaallu, inatsisitigut akisussaasoq akiliisitaasussanngortinneqarsinnaavoq.

6. § 33-mi *imm. 3-tut* ilanngunneqassaaq:

"Imm. 3. Inatsisartut peqqussutaat una naapertorlugu malittarisassani saqqummiunneqartuni, aalajangersakkanik unioqqutitsisoqartillugu akiilisussanngortitsisinnaaneq pillugu malittarisassaliortoqarsinnaavoq".

§ 2

Inatsisartut peqqussutaat 1. juni 2004-mi atuutilissaaq, atuuttuussallunilu immap naqqani kulturikkut eriagisassat pissusiisa allannguutaannut tunngatillugu, taakkununga ilaallutik piffissap tamatuma kingorna nassaat qaqinneqartut.

Namminersornerullutik Oqartussat, ulloq xx.xx. 2004

Hans Enoksen

Henriette Rasmussen